

Mbanjcuengh Miz Bouxlaux He Ciuhvunz Sij Faenzcieng Mbouj Ienqhoij

壮乡一位农村老人家的无悔写作人生

□ Cwng Ciminj/郑智敏

Youq Gveilinz Si Bingzloz Yen Gyauzdingz Yanh Davanh Cunh miz bouxlaux he, de yungh cib lai bi seizgan, mbouj faen hwnz ngoenz sij le geij bouh sawcuenh caeuq sawheiq densigi geijcib fanh cih saw, hoeng itcig mbouj rox baenzlawz cij ndaej fatbiuj okdaeuj. Seizneix lij itcig sij faenzcieng mbouj dingz, ciengzseiz daengx hwnz mbouj ninz, raen bouxlaux baenz neix laemxsim sij faenzcieng, vunz ndaw ranz gig sim in caeuq fouz naihhox, muengh miz vunz bang bouxlaux saedyienh aen siengmuengh de.

Yienghneix bounsij yungh di seizgan he, caenn dang bae aen mbanj neix ra bouxlaux, haeujsim dingq gij siengmuengh de, roxyiuj gij saedcej doekgonq de, dingq gij sim siengj de.

Baez haeuj daengz ranz de, couh yawj gij saw baij youq ndaw rug Yauz bouxlaux haenx, gij saw miz geijcib bi lizsij haenx, haujlai gaenq bienq henj lo, hoeng lij baujlouz ndaej caezcingj. Naengh roengz menhmenh gangigoj, roxyiuj bouxlaux heuh Yauz Cauzcingh, vunz Gyauzdingz Davanh Cunh, bineix 66 bi, gonq 60 nienzdaih siujyoz bizyez, doeklaeng aenvih vwnzgwz nguh le hagsib, 80 nienzdaih youh bauqmingz gag hag Sawgun Vahgun, caiq doenggvaq dingh yawj gij saw gvendaengz, ciemhciemh roxyiuj caeuq hag rox le gij giekdaeij sij faenzcieng. Aenvih baenzgya guhhong gij atlig hung itcig mbouj ndaej gaem bit hwnjdaeuj sij faenzcieng,

bi 2005 aenvih baez loeklak he aen hwet deng sieng le, youq ranz yw sieng le cungjsuenq miz seizgan ndaej sij faenzcieng, youq bi 2007 de hainduj bae sij faenzcieng, doenggvaq ca mbouj lai 10 bi daeuj mbouj faen hwnz ngoenz sij faenzcieng, seizneix gaenq miz gij cingzcik iq he, sawcuenh geij bouh, lij miz sawheiq densigi bonj he, gya hwnjdaeuj miz geijcib fanh cih saw.

Gij sawheiq mizgven densigi haenx, bouxlaux yiengq bounsij gaisau, coh sawheiq heuh 《Cingzyoux Fwn Rumz》, bonj sawheiq neix dwg gij ginglig caenn dang bouxlaux gajbien baenz, gig caen, dwg gangj gij sach bouxlaux ciuh neix caeuq 8 boux lwgsau guhyoux, doengzseiz lij sij mbanj gojgaeq ciengzgingj saedcej guhhong aen nienzdaih haenx daengj……

Hawj bounsij roxnyinh daengz angq dwg vunz ndaw ranz hix gig roxyiuj bouxlaux, mboujdan bang de cawx daengdaiz, lij cawx le haujlai ceij bit hawj bouxlaux sij faenzcieng. Bouxlaux caeuq bounsij gangj, gij siengmuengh ceiq hung de couhdwg hawj vunz caeuq danhvei mizgven yingjsi cauxsij ndaej yawjraen gij dungxcaiz de, ndaej haeujcoengh de, caeuq de doxgap au gij sawheiq de ingj baenz densigi.

Baenzneix yawj, bouxlaux doiq sij faenzcieng baenzneix laemxsim caeuq gyaepgouz baenzneix naekna, maqmuengh miz vunz ndaej vat gij



▲Bouxlaux caeuq bonj sawheiq de.

dungxcaiz de okdaeuj, yungh bonj sawheiq de, hawj de vih ndawbiengz Bingzloz lingyiz sij faenzcieng demgya di saekrongh lwenqda he.

Ciuq cam rox, bonj sawheiq 《Cingzyoux Fwn Rumz》bouxlaux sij haenx ndaej ingj baenz lenzsuzgi 27 ciz baedauq, gungh miz ngeihcib lai fanh cih saw, seizneix lij miz 6 ciz baedauq neiyungz caengz sij sat.

Daj Lauxbanj Iq Baijdan Daengz Lauxcungj Cizdonz Gunghswh

从地摊小老板到集团公司老总

——Gij Goj Cauhnieb Veiz Swgauh Bouxbing Fuzyenz Bouxcuengh

□ 秦大戈 叶露婷 罗丹丹

Vahsug naeuz: Ciuhvunz mbouj ndaej lumj byaek, dawz daengx caizliuh cungj caepcawq ndei le cij roengz rek. Aen Gunghswh Mizhanh Cizdonz Dengi Mingzmingz Liujcouh Si cungjginghlij Veiz Swgauh couhdwg buenq moengx buenq rox byaij hwnj diuz roen cau hnieb, itloh byaij gvaqdaeuj gig haemzhoj, hoeng de coengzlaiz mbouj vutvak. Veiz Swgauh naeuz: “Ciuhvunz neix ginggvaq le gumzgamx lailai, hix ndaejdaengz bouxwnq bangcoh lailai. Cijnaengz yungh gij gangj guh gyo’mbaiq bauqdap gwnzbiengz, au gij doxgaiq dajcawj yungh ceiq ndei haenx hawj beksingq.”

Haemzhoj Cauhnieb Daj Baij Deihdan Hainduj

Veiz Swgauh dwg lwg Boux-cuengh Yungzsuij Myauzcuz Swciyen Dalang Cin. Bi 2003, de daj budui fuzyenz dauq ranz couh dang hwnj le bouxyezvuyenz, cienmonz buet hawciengz siugai. Bi 2007, de bungz Cwngz lauxbanj boux vunz Anhveih.

Seizhaenx Cwngz lauxbanj dwg cangh hawjhuq baijdan. Cwngz lauxbanj nyoengx Veiz Swgauh, de couh

swzbae faenh hong bouxyezvuyenz, byaij hwnj diuz roen cau hnieb. Baez daih’it baij deihdan, de mbat banringzgvaq he couh canh ndaej ca mbouj lai song bak maenz ngaenz. Bi 2008, Cwngz lauxbanj cienj hangz guh seng’eiq rekdenfangoh. Veiz Swgauh deng de yukyon gyau le haujlai cienj haeujhangz, doeklaeng baij de daengz daengx guek gak dieg bae buet yezvu. Bae Sih’anh、Gveiyangz、Gunhmingz、Anhsun daengj hawsingz hung rauq iq, de sou ndaej ca mbouj lai bak dan seng’eiq. Hoeng Cwngz cix gyaij dinghdan huqsoq noix lai, itcig mbouj fat huq. Doeklaeng seng-eiq cijnaengz saetbailh, Veiz vihneix siedbonj 2 fanh lai maenz. Habngamj yezvu doisiu seiz roxyiuj le Luz Yizmingz bouxmuguh rekdenfangoh, daj neix giet roengz le cingzngleih, louz roengz le gij vahndeij doeklaeng saeh rwix bienq saeh ndei.

Yienznaeuz mbouj canh ndaej cienj fandauq youh siedbonj, hoeng baez neix hawj Veiz Swgauh roxyiuj engq lai. Youq Gveicouh buet yezvu seiz, de yawjraen aen cauq gauhbinz denhhox beij denswzluz singqnaengz、mbaetnwngz、goengnaengz engq ndei

aen cangj Fuzsanh guh haenx. Cauq gauhbinz dwg gij huq vuenhdaih swnggaep denswzluz. Doengsug naeuz, feiz haenq cauq byaek au yungh rek ndat daengz 360℃ doxhwnj gij byaek cauq okdaeuj cij ndei gwn, hoeng denswzluz doh ceiq sang cij ndaej daengz 280℃, hoeng cauq gauhbinz ndaej ndat daengz 500℃ doxhwnj, caemhcai cauq gauhbinz miz “swzlw leihyung” gisuz ca mbouj geijlai mbouj miz swzfuzse, doiq ndangvunz mbouj miz sienghailh.

Hoeng aenvih hawciengz caengz baenz, seizhaenx cauq gauhbinz youq hawciengz Liujcouh gai mbouj baenz. Gawqyienz Liujcouh mbouj miz vunz gai gij huq binjiz sang baenzneix, vihmaz gou mbouj sawqsawq dwk hai diuz roen neix? Veiz Swgauh daj neix dawz gij moegbiu cau hnieb cienj-yiengq huqdienh dajcawj hangzneib.

Miz Gvaq Ndaw Ndag Mbouj Miz Saek Faen Ngaenz Mbouj Miz Banhfap Dauq Ranz Gvaq Cieng

Ngamq hainduj seiz mbouj lumj siengj seiz swnhleih, ndawde ceiq fanjdaiq Veiz Swgauh couhdwg meh

baz de. Meh baz de nyinhnaeuz baijbaij deihdan canh di cienz gvaq ndwenngoenz couh ndaej lo, mbouj miz bietdingh au bae sinhoj cau hnieb. Baz de fanjdaiq hawj Veiz Swgauh loemqhaeuj ngaekngeu caeuq goenjgeuj gvaq. Doeklaeng, dwg gij siengmuengh cau hnieb hoenxhingz baenqbangh, Veiz Swgauh sim miz ceiqheiq haenx gangfug meh baz.

Gizsaed, ngaenzcienz cij dwg gij gazlaengz ceiq hung youq gwnz diuz roen cau hnieb. Cauq gauhbinz buek daeuz haeuj huq au 20 fanh maenz ngaenz, neix hawj Veiz Swgauh simnyap daengz byoem hau. Ndei ndaej bi 2010 gvaq cieng doekgonq, de ra ndaej le 3 boux doxgap. Gyoengqde caez roengzbonj le 20 fanh maenz ngaenz cawx le buek daeuz cauq gauhbinz, caemhcai dajveh gvaq cieng gonq gai ok liux. Caezgya nyinhnaeuz ndaej canh mbat he seiz, hawciengz cix haenqhaenq “fak le gyoengqde mbat naj he”. Aenvih siminz mbouj roxyiuj cauq gauhbinz, cauq gauhbinz gai mbouj ok, gij huq gaemmiz ca mbouj geijlai cungj daenzrom ndaw cang liux.

(caengz sat)